# 巫師日記 49%的執念

作者:霜魚

Powered by <u>紙言</u>

#### "屌你啦!"

林逸朗隨手將手機拋向2,3米遠的桌上,不過到達桌面的手機依然因為慣性滑出桌面。 然而滑落的手機並未如預其發出與地面碰撞的噪音,反而在離地板不遠,一部外殼略顯泛黃而光滑的 I-Phone

5.正懸於空中。及後開始上昇,落下,上升,下墜。頻率漸然加快,在旁的靠背木椅偶爾被撞擊移動。手機每次上昇的高度亦隨之提高,只是始終未觸及桌邊。

"Ellen,算啦你銜過黎啦... 你對最多長過哥基1 cm咁多嘅腳,淨係靠跳可以到枱邊我就真係撞鬼啦..." 林逸朗望都懶得望,伸手敲一敲白色2人沙發前的玻璃荼几,順便換一換姿勢,從側躺換成仰卧於沙 發。

手機在進行最後一次跳躍嘗試後,伴隨四爪走動於木地板上的聲音·I-Phone 5 平穩的自行放在玻璃面上,然後,一片寂靜。

他餘光一撇茶几邊的空位,默默嘆口氣,伸出手在空氣中作摸頭狀,雖然他實則甚麼都摸不到。 但經過當初一日一夜的對峙,他明白到,不能跟牠講道理,更不可能和牠比耐心...而終於從空位的位置,終於傳出肢爪走動觸碰地板的聲響,隨之遠去。

初夏上午11點的陽光透過全景大窗,點亮兩側米白薄窗紗,渲染得微泛穗色。渙散透映於地板的倒影,隨陽光緩然而可視的移動,照過散落於窗台的一件純色運動外套,一旁堆疊着一疊黑色及白色的T-shirt,並不工整,但勉強摺過。照過茶几的玻璃面,閃爍幾點閃光,照亮白色電視櫃及上面的黑色SONY液晶電視,屏幕上偶有一兩點灰塵被照映下似是星光。灑過與電視相對,純白的布藝沙發和在其上面仰卧着的男人。男人不太高,1米7上下,身形瘦削,偏薄的緊身尼龍T-shirthirt下只透出一點點肌肉線條,不太緊實的手臂亦只若隱若現少許肌肉。微燙的深啡卷髮有點凌亂,他單手用手臂擋住雙眼。對陽光照落在身上露出稍微厭惡的表情,嘖了一聲。陽光照過了他,映向稍遠的木色飯桌,及後方的金屬黑開放式廚房,洗手台上放着隨意擺放但已經清洗好的餐具。終於,陽光照亮了整個單位。他終於坐起,注視手機良久,似是沉思。輕嘆一聲,按下"重撥"。

"喂,Kai神。"

"Kenson!! 把口咁臭嘅你。"電話傳出略清脆年青的男聲。

"你第一日識我呀?話你Kaiai神真係無錯,總之依單嘢我無辦法接受。"

"朗哥呀,大人,時代變左啦,依家武漢肺炎咁打得,仲要多謝有個柒死都唔封關。咪搞啲健康祝福 儀式之類囉,一定好搵。"Kenson有點一定好搵。"Kenson有點着急的游說。

人係最易呃嘅生物,只要可以心安,真同假,啱定錯,都無所謂。 只要自己開心,將錯就錯只係基本,沉醉係自己想睇到嘅嘢只係本能。

林逸朗: "令人安心係牧師嘅責任,我要做嘅係逼人面對現實。"

林逸朗望一望手機的IG DM,笑一笑" 得啦唔洗呦啦,叫埋阿鬼,有生意啦。"

# 1.26/4 得到庇蔭的富翁

"下一站係播道書院, The next sation is Evangle College ..."

林逸朗抱住自己的黑色運動斜揹袋,一手拉着深陷人群中的Kenson,嘴中念念有詞"你老母湊...大你真係你,咁大個人逼巴士都唔識...到站啦就快!行啦!"

無錯巫師亦都要逼巴士的,不論怎樣巫師亦是人,並不神秘神奇。

只是一個合格的巫師不會對人說,除非他想被當怪胎,亦或者如果有人單獨和你說,就是你是他可以 放心信任的人。

終於三人在一排樓宇前下車·林逸朗拉開自己運動外套下的黑色T-shirt領口揮動·涼風掠過流汗的 頸項令他覺得舒服一點。

"Kai神你個死肥仔帶啲乜莖咁重..你將全部家當帶出黎有咩事當場化比你呀!?次次開工好似搬屋咁!"林逸朗轉頭向左邊的Kenson嘶吼,亦不在意附近偶然經過的路人的怪異目光

"朗...朗爺...我都唔想,我記唔住全部魔法陣呀...又唔知要用到邊種...咪全部書帶黎..."

Kenson半蹲在路邊,將背囊解下,放在路上時發出沉悶的撞擊聱。

然後他拉開口罩喘氣,脫下完全是霧氣的鏡片,被汗水浸透的動漫T-shirt微微顯現偏肥胖的身軀。

朗爺倒吸一口涼氣,捉住Kenson衣領想將他拉起,最後發覺自已拉不起,放棄。

"我諗依個世界有手機...手機係可以影相嘅..唔好淨係用黎打機睇片stalk囡囡呀! 我搵到人我實賣甩你依個人頭豬腦!"

"唔得。朗爺你話,一個巫師對住部手機畫魔法圓定對住本書畫型啲,形象呀朗爺。"

".....我點解會識着你依個中二病...."

"好啦好啦阿朗辛苦你啦。我錯頭先逼唔到去捉住Kenson,估唔到依個時間巴士都咁多人。Kenson 以後背囊太重就比我啦,我夠大隻無所謂。"

一身白背心,運動短褲波鞋的黑鬼走近拍一拍朗爺膊頭。站在朗爺身邊比他還高出一個頭,一身深啡色肌肉,鏟青平頭裝,配上線條硬朗的臉,標準得不能再標準的運動型,看似和巫師二字沒有任何關係。

"好啦行啦難得有生意,唔好叫客等。"黑鬼邊打完場邊伸手,然後單手將Kenson拉起,順手背起Kenson的背囊。

三人走到住宅區門前,兩旁的綠化園景及圍牆的燈飾透露幾分奢華。不過就算沒有這些,一個將軍澳海旁住宅區,就不算簡單。在香港可以入住的,絕對可算富有行列。

"朗爺, 咩感覺。" Kenson推一推朗爺。

"唔好,非常唔好。"朗爺抬頭望向一棟棟住宅,口睪擋住了他的表情。

- "我都係,好唔舒服。"黑鬼點頭認同。
- "咁猛料?連黑鬼都Feelel到??點解我完全無感覺。" 朗爺及黑鬼同時望向Kenson。
- "我覺得我自已住緊罐頭,仲要係優惠加量裝,逼到變肉碎嘅沙甸魚罐頭。"

黑鬼點一點頭表示認同,講:"咁有錢?一陣劏佢一鑊唔過份。"

- "過份呀!" 朗爺望向黑鬼 "劏一镬邊到夠呀大佬。"同時撥通對方電話
- "喂李生?"
- "你好,你係S...S咩話?"電話另一端傳來低沉的男聲。
- "SMT...."
- "係係SMT....你黎左係咪?我依家落去接你。"

## 十分鐘後——

閘門被打開,一位約3,40歲的男人出來。一身休閒裝,但外貌依然經過保養,整潔,一絲不苟。樣 貌年輕。不似經過職場,商場打拚。

- "Hi,你地就係..."男人有點遲疑,目光掃過三人。
- "我地就係SMT,李生係咪?你好。"朗爺向前一步,伸出手示意握手。
- "哦。你地比我諗嘅後生。我帶你地上去。"李生低頭專注於自己的I-Phone SE,似乎在打信息。並隨手推開一下閘門,開始回頭走。

朗爺收回手, 驗上保持着笑容, 並在口罩下作DLLM的口型後擋住即將關閉的閘門, 帶二人進入。 經過一個個園景, 大約3分鐘的路程, 踏上大廈大堂的雲石地板, 進入濃厚消毒藥水味的升降機。穿 過走廊4人走到一個單位門前, 用指紋解開門鎖後3人進入單位。

朗爺站於門外, 皺一皺眉:" 李生你有無拜神之類習慣?"

- "無,我本身無信仰。"李生鈍一鈍,回頭答。
- "你地有無聞到。"朗爺拉住兩人耳語。
- "好熟嘅味道。"Kenson點頭。
- "天竺葵。可以安撫靈體嘅精油。就算係拜神·頂盡都係用壇香。唯一壇香會唔啱用嘅·就係拜嘅根本唔係正神!何況佢仲話自己無。"
- "可能係當空氣清新劑。"黑鬼拍一拍朗爺後背。"唔好太緊張。"
- "希望我諗多左"

3人穿過進入客廳。李先生坐於沙發,並示意3人坐於其相對的矮櫈。 黑鬼,Kenson 2人坐下。而朗爺則自顧自在單位踱步。

"李生唔好介意,我依位同事對依方面有感應。比佢四圍睇下,我地講正題,李生你話你覺得自己比 嘢搞?"

李生望一望如入無人之境的朗爺:"係,我最近都比嘢搞,由一開始只係耳邊有聲,再到我每晚起身都咁樣"李生邊講邊拉開自己領口,露出下面一道道交錯的血痕。

"嗯,獸爪,四指,尖銳,無毒。Kenson有無頭緒?"黑鬼檢查完傷口轉頭向Kenson問。而Kenson已經開始翻書。

"特徵太少啦·饕餮?唔係...饕餮好食人·人無事應該唔係。獅鷲...佢地負責守護寶石同黃金...正常應該 唔會主動傷人...勒拿九頭蛇...有可能但係通常都係湖邊·海邊又未有過記錄。"

"唔好意思呀李生請你比多少少資料我地...咩都得...幾奇怪幾無關都得。例如你聽唔聽到佢講咩,有無 咩怪味?"黑鬼再次問。

"李生你屋企唔錯喎,而且依件飾物幾特別。"

朗爺打斷黑鬼加入對話。並指向金屬層架頂層的一個黃金色飾品。

那是一個一張卡片高的不明形狀。勉強看到一個橫向的身軀,四足,及一個偏長的頸部。類似一個抽象藝術品。

李生聽到朗爺提及那雕塑,人從沙發坐起:"係呀,我由外國嘅地攤買番黎,就擺係到。"

"係咩?我都好想可以買到,依件嘢能量好大。成間屋鬼都唔見隻。"朗爺走到窗邊,自己點起一枝黑曼。

"咩叫鬼都唔見隻呀? 唔涌有鬼係好事咩。"

"李生,人死左唔係咩都無。佢地係一團能量,一團意識,等緊投胎機會。佢地同神話嘅生物一樣,生活係另一個位面。而當中對一件事,一個人,愛意或恨意,執念超過50%,就會有能力逗留,影響依個世界,即係你地講嘅鬼。唔夠50%嘅,就只係飄蕩,對人無影響嘅遊魂野鬼。而我係到一隻都見唔到。"

朗爺再吸了一口煙:"

而李生·依件嘢嘅能量咁強·應該唔止鎮宅咁簡單...."說完朗爺望向屋內的名牌家具·再望望李生身上嘅ZapMeta。

"....果然有料到,其實我當初買番黎之後,我就發夢有條金龍話,依件嘢佢會保佑我發達。我本身都唔信,點之我就由一個保險Sale不停爆數,到自己開公司,係依個時勢仲可以一路大賺。最近仲買左依到。真係唔信唔得!"李生難掩笑意地講

"但係後面我就開始覺得有嘢係到搞我,我都唔知係咩...我洗左好多錢請師父,佢都只係話只可以將佢封住。最近我仲開始出現依啲傷....我先開始覺得無咁簡單...我真係好無辜! 唔該你! 幫下我!"

"你地將佢封左去邊,帶我地去先。"朗爺又點一枝煙,示意另外2人行動。

- 4人走到走廊一道房門前"就係入面,我一直唔夠膽入去,唔該你地。報酬唔係問題,唔該! 朗爺,師父,煩你!"李生握住朗爺的手。
- "女咁樣拜托我先有用...算啦,你開門先,我要望下先再決定"
- "哦...哦! 你要睇下收唔收到係咪呀。"
- "我地唔係黑社會,請番黎唔理前因後果咩都做。"
- "咩意思,我都話我無辜架。"
- "我嘅意思係,靈體唔會講大話...開門!" 朗爺推了李生一下。
- 李生打開了房門的鎖,推開門後一股更濃烈的天竺葵味道撲鼻而來,朗爺抬頭望向房中嘅空間。
- "你閂番門先,搞掂之後我同你講。"
- "哦...哦!唔該大師!"房門被關上。
- "Holy...Shit.."朗哥望向房間高處"今鋪真係船到橋頭變林夕..."
- "咩料到?" Kenson開始打開書。
- "龍,西方金龍。受左傷,應該無左理智。"
- "幾多歲?"Kenson邊讀書中的記錄邊問。
- "我睇起黎似龍咩?"
- "咩呀?唔似呀。"
- "咪就係囉你老母,我知條鐵呀?我放你入去你有命出黎話比我知呀不如?"
- "唔好嘈啦,黎,阿朗。"黑鬼邊講邊將兩支灰色液體的玻璃瓶遞給朗爺。
- "屌真係紅十字會都差我一個獎。"朗爺邊講邊拿出一把寫滿符文的尖刀劃破自己的姆指。
- "By the blood of the gifted one  $\cdot$  like the shine of the brightest sun  $\cdot$  show the spirits at the front."
- 隨着血液滴入瓶中,灰色液體渲染成鮮紅色。
- "黎! 乾杯。"朗爺將兩瓶液體遞給兩人。 兩人將液體飲盡。
- 在三人面前出現的是, 伏於地上的金龍, 大小被禁錮成法陣大小。身上帶着各種傷痕, 從中流出鮮紅的血, 滾燙的鮮血冒着絲絲白煙。身軀上下起伏着, 連呼吸亦顯得吃力。

Kenson第一個衝上前,肥胖的身軀走近後幾乎完全擋住了金龍。"鱗片全部都生好曬。成年龍黎架喎。無得搞。"

"阿鬼..."朗爺剛想問就被黑鬼打斷。

"我知你想問咩。依度附近樹木太少。我無辦法請祖靈‧再講‧薩滿嘅安撫對大自然比較有用‧龍本來就係魔法之主。自然之尊‧作用唔大。"

"唔係,我想講你地唔覺古怪咩。"朗爺邊吸上一口黑曼邊問"

龍係魔法之主,依個係專門鎖龍嘅陣法無錯。但係可以令龍停一停已經好叻仔,鎖幼龍都OK,成年龍邊有可能?"

黑鬼及Kenson陷入沉思。

- "你地記唔記得龍嘅繁殖方式呀?" 朗爺隨手將煙頭彈到房間一角,立即從煙盒抽出一枝點燃 "龍係無天敵嘅物種。作為代價,但地係無性別嘅。但地鍾意收集金銀,係因為佢地要用龍火係中間 熔煉最純嘅金屬.."
- "再加上自己幾乎全部嘅能量..."Kenson望一望書中記敍‧接道
- "將金屬養成幼龍。因為咁所以先弱成咁。"

朗爺點一點頭"你地唔覺出面件嘢個型態似咩嘢咩?"

"唔係掛...阿朗.."黑鬼望着朗爺的臉‧希望可以看到他平常的惡作劇的笑臉。但黑鬼看到他的表情‧他 是認真的‧如果可以‧他一定現在就出去把外面那個人用他的祭儀刀給他一刀。

"我話過,人只係會睇到,講自己有利嘅嘢。對人黎講只有自己一個係受害者,因為其他人嘅傷佢地感受唔到。"朗爺緊握祭儀刀的手開始發抖。

"係,出面果座係幼龍。仲要係就快成龍嘅龍胎...聚財係金龍天生嘅能力。我唔知我地仲有幾多時間... 龍胎一段時間無母龍餵養龍火會變死胎!

…出面果個人, 佢老豆生佢出黎咁樣做人。我係佢老豆就去捐精捐左佢, 再送到一半倒左落地下, 比人踩痴落鞋底, 送到去深水埗公廁個地板, 再經污水渠沖出去。咁樣同人地煉嬰屍做法器有咩分別。依個陣係專門嘅鎖龍陣, 我包上一手一定知。仲有可能金龍一早托夢比佢好聲好氣結果佢反手請人封左佢!仲話無入過黎, 依度咁重天竺葵鬼放架?搶人個仔落啲安眠藥就以為過到骨??" 朗爺開啟機關嘴, 同時向金龍走近一步"我要收佢做精靈。"

"吓?朗爺,點收呀! 龍咁臭串點會肯。"

"係呀阿朗,而且佢依家你都識話,無左理智。"

"Kenson,阿鬼。帶架生。" 朗爺望一望2人 "無理智就打到佢肯聽人講。" 朗爺見兩人仿有遲疑,搭着2人肩膀

"唔該呀...你地知架..每一只靈體我都想救番佢地,我再唔收佢佢就唔得架啦。佢唯一可以捱到見到佢 嘅細路嘅方法。陪我癲一鋪,起瑪試過。"

Kenson打開魔法書·用白粉筆畫出魔法圓·核心·內圓·外圓·符咒。 黑鬼將一個卡片盒扣好在腰間·手上握緊火機。 朗爺從袋中拿出數個金屬盒扣於腰帶上。再從袋中拿出幾枚戒指,戴於雙手,再戴上好幾條項鏈。然 後將頸鏈上的吊飾握於雙手中,雙手作祈禱狀,抵住額頭。" 咁多位唔該你地,陪我玩一鋪。我有咩事你地就散啦,再搵個有緣人。"

"啦。我都係要講,陣法會將我地連接個去佢地位面。身體唔會有事,但係係果度出事就真係死架。" Kenson 邊將法陣完成邊提醒。

"得啦長氣。有咩我一定走先。"朗爺踏入陣法。

"你係先好講。我實快過你" 阿鬼笑一笑踏入陣法。

"Magic Circle of the gate·show the path of the hidden way·direct to the disire place" Kenson跪蹲在陣法中央,單手按在陣法上。 念誦的同時,圓外的四周景色開始扭曲,混和,蠕動。

"嘩屌,死肥仔開車又唔單聲。暈陣浪呀。踼你落車呀!" 朗爺馬上合上雙眼。

"踢佢落車邊個揸軑。"黑鬼合上眼問。

"怕咩,最多咪攬炒。"

"收聲!" Kenson喝止了兩人"再嘈我真係攪炒啦。"

再次張開雙眼。三人已經看到"正常"的景色,房間依舊,窗外的景色亦不變。但是房間已被藤蔓覆蓋。窗外9個太陽正懸掛再外,太陽中陸續有三足的鳥從中飛出。

朗爺走向藤蔓上結出的金花。"哺育花, 但知自己時間唔多。係到將自己僅有嘅能量結成花。等佢嘅 細路真係番到黎都可以自己長大成龍。"

"時間唔多啦。黑鬼,Kenson,依到太逼啦。我同黑鬼出去先。然後你解封。"

Kenson除下口罩微笑:"你兩個點解唔去死。"

黑鬼及朗爺打開正門。走廊中堆滿了黑色透明人影。在走廊中不斷穿行。

"咁多????"黑鬼呆一呆

"係呀塊地陰。"朗爺陰笑拍一拍黑鬼膊頭。"依啲遊魂野鬼無心傷害人嘅。但係穿過佢地都要分享佢地嘅記憶,依度硬穿...會崩潰"

黑鬼嘆口氣·打開自己的卡片盒,從中抽出一張硬卡。看了一眼,又放回去抽出另一張,又再抽一張。 。朗爺似是早料到一樣,已經倚在門邊點起煙。

"叫左你分類架啦。分盒裝啦懶型!" 朗爺幸災樂禍的望着黑鬼。

"係!你最方便! Pokemon Go咁!幾時打道館呀小智...等陣點解你會有煙嘅???"

- "上次黎發現嘅草自己卷嘅。要唔要?"
- "食少支係咪會死。"
- "係!"
- "到底有無人叫到你戒煙。"
- "以前有。"

黑鬼終於找到自己要的卡·卡上印着一個下身圍白布·狼頭的半裸男人。黑鬼點起打火機從卡的一角 將卡點燃。

" Anapa , I invoke thee into me  $\cdot$  leader and guardian of the dead  $\cdot$  and thy mask would on my head"

黑鬼的頭似是長出一個狼頭面具,手伸向後背再遞出時手中已出現一條勾鏈。

"世上冥神千千萬,你都抽得真係慢。"朗爺依然不忘挖苦一句。

狼頭黑鬼微微轉過頭,無再理朗爺。手中的勾鏈微微揮動,嘴中唸誦沒人明白的古埃及語,除了黑鬼的聲音外還有一把低沉粗擴,似是動物模仿人語的聲音。黑影開始自覺讓出一條路,冥神黑鬼開路, 朗爺尾隨其後。

- "其實有無識飛嘅神喻卡?"朗爺突然問。
- "有。"回應的依然是二重奏。
- "咁點解我地唔跳窗出"
- "...."一片沉默。

兩人終於走到住宅外圍。街道上並無不同,只是行人變成了長翅的牛, 沒眼的人,半人馬等。2人亦見怪不怪,生物們亦沒有主動侵擾,長相怪異,不影響他們的善良。

- "準備定先。"朗爺將左手食指的紅色寶石戒指貼近嘴唇親吻一下 " Ellen,睇你啦。"
- 一只純黑色,狀似臘腸狗的犬隻從朗爺手邊躍出。然後轉身面向朗爺,後身趴在地上,用力蹬直自己的前足。做出一個sit的姿勢,一動不動的望向朗爺,嘴中發出"鳴鳴"聲。朗爺與牠對望了10秒。最後,蹲下并撫摸牠的頭。牠亦舔拭朗爺的手作回應。
- "今次係因為...."黑鬼望着兩人互動有點無言。
- "佢表示今朝嘅獎勵無實際摸到,要再補番一次..." 朗爺掠過一絲苦笑。
- "今朝..."

"阻止左佢同張枱鬥高,將我部電話歸還。"

"I invoke thee into me·Hrous·Sun and the Moon are thy eyes·the emperor of the sky"黑鬼沒再接話·默默點燃了一張背帶雙翼的鷹頭男人。

這次的黑鬼變成臉戴鷹頭面具,左眼暗淡無光,而相對的右眼閃爍與太陽同樣的光輝。從背後拿出權 杖,背部長出羽翼。每根羽毛柔順而閃亮,在陽光下溢出黃金的光芒。

"唔叫全部人出黎?"黑鬼的聲音這次同時響起一把莊嚴沉穩的少年聲音。

"我唔想冚家鏟,有必要再叫,我有咩事走得一個得一個。何況有你呀,荷魯斯打交有輸過咩?"

黑鬼沒有說甚麼,只是點點頭。

樓上的Kenson從窗戶看到黑鬼的羽翼反光,就知道2人已出來。於是他拿出紅色粉筆,在鎖龍的魔法圓外再寫一圈符咒。

"By the true law of magick, undermine the spells there are, reappear the regular"

一陣淡紅光從符咒中透現,紅色開始如鮮血滲入原來的鎖龍咒語中。變紅的咒文開始冒出白煙並發出水急速蒸發的聲音。所有咒文開始"蒸發"·Kenson立即跑向房間一角的一個魔法圓。同時龍已恢復自由。牠伸展一下自己身體,變得基本和房間同等,牠向天咆,似是宣示自身作為自然之尊的威嚴,宣示自己已重獲自由。牠望向那名放牠出來的人類,此刻的牠已忘了龍族相傳教導的智慧,丟棄作為萬物之尊對其他生物的仁慈。牠亦仁慈過,對人真誠善良,牠以為真心相待必能獲得同等的尊重,卻只換來傷害和欺騙。

地不懂,既然有力量,為甚麼不能我行我素,為甚麼要教導地們對萬物友善。為甚麼因為地們地位更高,為了種族的形象尊嚴,地們就得忍受,地們就得大量。既然如此地願只按自己喜惡行動。任地們力量多大,明明地們也是一樣的心。地的傷痛,牠的不甘,那些古老的教條能化解嗎? 地明明已經對人好言相勸,自己半生精力的龍胎,自己的底線,牠相信牠寬容。最後換來的就是這滿身傷痕。不論身心,現在的牠時間已不多,甚麼都不重要,只要可破壞,可以抒發牠的不甘。牠這麼想着,尾已朝向Kenson掃去。Kenson回頭望去只有一片黑暗…

外面,一聲龍過後,二人只看見單位被龍尾完全掃成廢墟,上面的樓層隨之倒塌並散落在園景區。

朗爺率向前兩步" 仆街...Kenson..." 朗爺望一望自己右手尾指的純黑戒指 "屌死肥仔我前世爭你架"一咬牙用祭儀刀劃破自己手掌,準備抹上戒指。

朗爺的手被黑鬼抓住"你想快啲落去同佢打工呀?"

"邊個話我係打工,我落去係坐佢個位!"

"有咩分別,都唔係人做架,而且你睇。"黑鬼示意朗爺望向後面。

朗爺扭頭望去,地上畫有魔法圓的紙張開始發光,光中人個略肥胖的人影從虛轉實,Kenson從中踏出,向前走兩步就坐在地上,身上半點傷痕亦沒有,只是短褲深色了一片。"再慢一步....真係再慢一步他大鑊過林女十連任..."

朗爺忍笑走去,蹲下拍一下他的肚:"可惜呀,差少少就可以换人啦。真係深表遺憾。"

#### "仆街啦你!"

"再黎跟我去作一次死,我就唔信今次仲換唔到人!"朗爺邊講邊打個響指,Ellen已經由臘腸狗變成2米高,長有50個頭,每個頭嘴中都吐着不同顏色的霧氣或火焰。尾部及四肢都附着單純的血紅色的火焰。Ellen恢復牠原來的姿態。冥界地獄犬中最純種的品種。50頭地獄犬。

在3人劫後重逢的時間,金龍已長回完本的大小,現在的牠已和一架客機相若。朗爺看一眼立即跨上Ellen,Ellen躍至空中同時其中一個頭噴出純白的霧氣,在空中憑空凝結出一個冰造平台。Ellen着陸於上面,平台馬上因Ellen的重量及衝擊力粉碎,但Ellen已從中借力並再次躍起,並故技重施。以此在海上直線前進。朗爺知道,牠現在只是在拚盡最後一口氣前的迴光返照,他不知牠甚麼時侯會停下來,可是這次停下來恐怕就不會再動了。所以每一秒都不能浪費。黑鬼和Kenson望着遠去的身影,黑鬼伸手向還坐於地上的Kenson。

# "順風車?"

"就陪佢癲一鑊。"Kenson抓住黑鬼的手站起身。

"我地每次都咁講·"黑鬼從背後扣緊Kenson雙臂" 但係次次都唔係最後一次。"說完振動雙翼現場已不見身影只留下加速帶來的強風。

朗爺及Ellen依舊在尾隨金龍,似乎金龍亦知道他們在海上的速度會慢得多,以自己現在的狀態,這速度已是極限,因此一直將路線控制在海上。沿途以龍炎破壞經過的所有地方,又一口龍炎吐向海防博物館,海防博物館的4個白色尖頂主體立即被燒毀,只有石製的堡壘大堂仍存在,在火海中被灼燒得焦黑,滿佈紅橙色的龜裂紋路。朗爺看着此情景心中揪了一下,他知道現在牠的力量完全不足以影響現世,可現在每一口龍炎都是牠寶貴的生命能量,牠現在每吐出的一口龍息,和人吐血沒甚麼分別。他很想可以立即追上牠,阻止牠,但是這是Ellen在空中最大的速度,只是真的太慢了。突然朗爺餘光撇見,黑鬼帶着Kenson飛至。空中已可以放心的他,Ellen亦馬上會意,踏碎平台躍自海中,在接近海面前噴出一口寒氣形成一條直路。一邊奔跑一邊持續開路,地獄犬最強的,從來不是火焰,更不是跳躍力,而是奔跑的速度。如當年最強的半神海格力斯,從冥界之門追逐地獄犬穿過冥界,到最後到達冥王宮殿無路可退,躲於王座之下才被抓獲。這雖是地獄犬的種族之恥,但亦可見地獄犬速度之強勢。而着地後的Ellen,接近的速度提升了3倍。

在空中的黑鬼,亦揮動雙翼,黃金羽毛如金色匕首,向金龍翼部射去。可爆炸及濃煙散去後,顯現的仍是金龍硬不可摧的鱗甲。金龍轉身面向黑鬼,吐出一口龍息。黑鬼索性開放Kenson任他在空中自由落體,Kenson在空中失聲尖叫,朗爺騎着Ellen躍至空中,將Kenson接住,在落地的海面冰結出一個圓形平台,將Kenson安置在上面。而黑鬼則憑借荷魯斯在眾神中無可匹敵的動態視力及戰鬥直覺,以最少的動作規避火柱。並以火柱為掩護接近金龍,盤旋至牠的身軀,抽出沃斯手杖,包含荷魯斯的神力。擊向龍唯一的弱點,沒有鱗甲的腹部。金龍被擊飛後開始失去意識向下墜落,於半空恢復意識,嘗試拍翼提升高度。但是朗爺已經看準機會,Ellen向上方噴出一道寒氣,一連造出幾個平台,躍到平台上保持與金龍同等高度,朗爺將腰間其中兩個金屬盒投到金龍面前,Ellen另一個頭吐出一團火焰,金屬盒爆炸,盒中的草藥燃燒放出煙霧,龍血樹脂的腐蝕及安息草的痺效果馬上發揮作用。朗爺亦馬上點燃鼠尾草杖,以鼠尾草的淨化作用保護自己及Ellen免受影響。

#### "Raiden...我需要你嘅幫肋。"

朗爺緊握其中一條項鏈。一個頭戴斗篷,身穿長袍的法師在身旁出現,伸出手放出雷電向金龍襲去。 Ellen亦從三個口中分別吐出毒氣,蝗蟲及凍氣,一邊阻止金龍鱗甲恢復,一邊限制金龍行動。金龍 怒着拍動雙翼努力維持飛行。過了一段時間,金龍的鱗甲還是恢復了。牠亦發現和他們纏鬥太浪費為數不多的時間。於是直接拍翼往前飛進,不料卻撞在無形的牆上,遠處平台上的Kenson露出徽笑,金龍身下的海面出現了一個巨型魔法圓,Kenson是儀式法師,只要給足夠的時間及安全的環境,他能做到無人可比的影響力。現在,金龍已經被困在結界中,能活動的,只有中環附近的海旁和海域。金龍憤怒的向添馬公園吐出一口龍炎,公園已成一片荒土,政府總部倒塌,外面的國旗亦已成灰燼。黑鬼振翼上前,準備與金龍再纏鬥。

可在此時,已完全日落,月亮亦未昇起,在這太陽和月亮都不在天空的時段,荷魯斯便是無目者。黑鬼甚麼也看不見了,四處戒備卻不知所措。金龍打算趁機向黑鬼吐出龍炎時,張口卻發現自己已失去龍息了,只得隨意用龍尾一掃,黑鬼被擊向天星碼頭。接連撞穿幾個碼頭後擊起層層海浪,碎石四濺。然後沒了動靜。

朗爺望一望"對唔住,阿鬼,Kenson,我話過,有咩事我會走先。"然後摸一下左手中指的透明石戒指"Phantom,你知點做。"一個手拿一幅透明布的骷髏點點頭,將布蓋過他們,一人一靈就這樣消失。時間仿佛停止...連空氣也安靜了。

## (第一章完)

(以上地名,人名,皆屬文學創作,如有巧合,實屬上帝嘅惡趣味,歡迎分享)

(以上巫術,神話知識並不全為正確知識,如要嘗試,無任歡迎,後果自負。)